

Wie Plinius schreibt / welches mache 15  
deutsche meiln/oder 60 welsche/ Ein deut-  
sche Meil hierinn für 4000 / vnd ein wels-  
sche meil für 1000 schrit gerechnet/15 deut-  
sche Meiln aber in der Rinckmauer oder  
Circumferenz/geben fast eine Stadt die 5.  
deutscher meiln lang vnd breid ist/ So wa-  
ren die mauren 50. schuch dicke / vnd 200.  
schuch hoch/ Nu rechnet man ein schuch fast  
so lang als ein ellnbogen / das ist 3. grosser  
finger lang / vnd waren 600. Rathhuser  
drinne / vnd des dinges viel mehr/ Derhal-  
ben Babilon für der Sieben wunderwerck  
eins gezelet ward/ so in der Welt wahren/  
Denn sie hatten viereckichte seulen / auß  
der kunst gebawet / zu der Könige begreba-  
nis/ An der höchsten seule hat man zwanzigk  
jar gebawet / vnd sind der werckleut gewe-  
sen/ drey mal hundert tausent/ vnd sechzig  
tausent Mann.

Item die Stadt Quinsay ist so gros  
wie man schreibt / das man meinet es sey  
keine grössere auff Erden / Denn sie be-  
greiffe in ihrem Circel 100 welsche meiln/  
Das sein 25. deutsche meiln/ Sie hat zwelfff  
tausent